

唐書合鈔

唐書卷第五

本紀五

高宗下

麟德三年

乾封元年

春正月戊辰朔車駕至泰山頓是日親

祀昊天上帝於封祀壇以高祖太宗配饗己巳帝昇山
行封禪之禮庚午禪於社首祭皇地祇以太穆太皇太
后文德皇太后配饗皇后爲亞獻越國太妃燕氏爲終
獻辛未御降禪壇壬申御朝覲壇受朝賀改麟德三年
爲乾封元年諸行從文武官及朝覲華戎岳牧致仕老
人朝朔望者三品已上賜爵二等四品已下七品已上
加階八品已下加一階勳一轉諸老人百歲已上版授

下州刺史婦人郡君九十八十節級齊州給復一年半
管嶽縣三年所歷之處無出今年租賦乾封元年正月
五日已前大赦天下賜酺七日癸酉宴羣臣陳九部樂
賜物有差日昃而罷丙子皇太子宏設會丁丑以前恩
薄普進爵及階勳等男子賜古爵兗州界置紫雲仙鶴
萬歲三觀封巒非煙重輪三寺天下諸州置觀寺一所
丙戌發自泰山甲午新書次曲阜縣幸孔子廟追贈太
辛卯師增修祠宇以少牢致祭其裒聖侯德倫子孫並免賦
役二月己未次亳州幸老君廟追號曰太上元元皇帝
創造祠堂其廟置令丞各一員改谷陽縣爲眞源縣縣

內宗姓特給復一年夏四月甲辰車駕至自泰山先謁

太廟而後入五月庚寅改鑄乾封泉寶錢六月壬寅高

麗莫離支蓋蘇文死其子男生繼其父位爲其弟男建

所逐使其子獻誠詣闕請降詔左驍衛大將軍契苾何

力率兵以應接之左金吾衛將軍龐同善營州都督高

薛仁貴左監門衛將軍李謹行爲後援秋七月乙丑徙封殷王旭輪爲豫

王庚午左侍極檢校右相嘉興縣子陸敦信緣老病乞

辭機揆拜大司成兼知左侍極新書在四大司憲兼檢

校右中護劉仁軌兼右相檢校左中護八月辛丑兼司

元太常伯兼檢校左相鉅鹿男竇德元卒丁未殺司衛

少卿武惟良淄州刺史武懷運仍改姓蝮氏

九月麗同善及高麗

戰敗之

冬十月

新書十一月

己酉

表癸酉

命司空英國公勣為遼

東道行軍大總管以伐高麗

二年春正月丁丑以去冬至於是月無雨雪避正殿減

膳親錄囚徒罷乾封錢復行開元通寶錢二月戊戌

新書

丁酉涪陵郡王惛薨辛丑改萬年宮依舊名九成宮

禁工商乘

馬夏六月乙卯西臺侍郎楊武西臺侍郎道國公檢校

太子左中護戴至德正諫議大夫檢校東臺侍郎安平

郡公李安期

司列少常伯趙仁本

東臺侍郎

新書東臺舍人

張文瓘竝同

東西臺三品

新書文瓘參知政事

秋

七月己卯以旱避正殿減膳遣使慮四

八月己

丑朔日有食之丙辰

新書辛亥

東臺侍郎李安期出爲荊州

大都督府長史

九月庚申以餌藥皇太子監國辛未李勤及高麗戰於新城敗之是歲嶺南洞

獠陷瓊州

三年

總章元年

春正月庚寅詔繕工大監兼渤海都護劉審

禮爲西域道安撫大使壬子以右相劉仁軌爲遼東道

副大總管

兼安撫大使涇江道行軍總管

二月戊午遼東道破薛賀水

五萬人陣斬首五千餘級獲生口三萬餘人器械牛馬

不可勝計丙寅以明堂制度歷代不同漢魏以還彌更

訛舛遂增損古今新制其圖下詔大赦改元爲總章元

年

新書在三
月庚寅

戊寅幸九成宮己卯分長安萬年置乾封

明堂二縣分理於京城之中

壬午李勣敗高麗克扶餘南蘇木底蒼巖城

癸

未

新書丁巳

皇太子宏釋奠於國學贈顏回太子少師曾參

太子少保

新書案禮志當從舊書

夏四月丙辰有彗星見於

畢昴之間

庚申以太原元從西府功臣爲二等第一功後官無五品者授其子若孫一人有至四品

五品者加二階有三品以上加爵三等第二功後官無五品者授其子若孫從六品一人有至五品者加一階

四品者二階三品以上爵一等

乙丑上避正殿減膳詔內外羣官各上

封事極言過失於是羣臣上言星雖孛而光甚小此非

國眚不足上勞聖慮請御正殿復常饌帝曰朕獲奉宗

廟撫臨億兆謫見於天誠朕之不德也當責躬修德以

禳之羣臣復進曰星孛於東北此高麗將滅之徵帝曰

高麗百姓卽朕之百姓也旣爲萬國之主豈可推過於小蕃竟不從所請乙亥彗星滅辛巳西臺侍郎楊武卒秋八月癸酉至自九成宮九月癸巳司空英國公勣破高麗拔平壤城擒其王高藏及其大臣男建等以歸境內盡降其城一百七十戶六十九萬七千以其地爲安

東都護府分置四十二州

十二月丁巳俘高藏以獻丁卯有事於南郊甲戌姜恪檢

校左相司平太常伯閭立本守右相表是歲李勣加太子太師

二年春正月封諸王嫡子皆爲郡王二月

辛酉

東臺侍郎

同東西臺三品兼知左史事張文瓘署位始入銜

右肅機李

敬元爲西臺侍郎張文瓘爲東臺侍郎同東西臺三品

三月

丙戌

東臺侍郎郝處俊

同東西臺三品癸酉

新書
癸巳

皇后親祀先蠶夏四月己酉

幸九成宮置司列少常伯司戎少常伯各兩員五月庚

子移高麗戶二萬八千二百車一千八十乘牛三千三

百頭馬二千九百疋駝六十頭將入內地萊營二州般

次發遣量配於江淮以南及山南并涼以西諸州空閒

處安置六月戊申朔日有食之括州大風雨海水泛溢

新書在九月
庚寅誤

永嘉安固二縣城郭漂百姓宅六千八百四

十三區溺殺人九千七十牛五百頭損田苗四千一百

五十頃冀州大水漂壞居人廬舍數千家並遣使賑給

秋七月劍南益瀘雋茂陵邛雅緜翼維始簡資榮隆果

梓普遂等一十九州旱百姓乏絕總三十六萬七千六百九十戶遣司珍大夫路勵行存問賑貸癸巳冀州大都督府奏自六月十三日夜降雨至二十日水深五尺其夜暴水深一丈已上壞屋一萬四千三百九十區害田四千四百九十六頃遣右衛大將軍涼國公契苾何力爲駕

新書作鳥

海道行軍大總管

以援吐谷渾

八月甲戌改瀚

海都護府爲安北都護府九月己亥發自九成宮壬寅停華林頓大蒐於岐乙巳至岐州高祖初仕隋爲扶風太守故曲赦岐州管內高祖時胥徒隨材擢用賜高年衣物粟帛各有差冬十月丁巳至自九成宮十一月庚

辰發九州人夫轉發太原倉米粟入京丁亥徙封豫王
旭輪為冀王仍令單名輪十二月戊申司空太子太師
英國公勣薨是冬無雪

三年

咸亨元年

春正月丁丑右相樂城縣男劉仁軌致仕

表

金紫光祿大夫致仕

辛卯列遼東地為州縣二月戊申以旱親錄

囚徒祈禱名山大川癸丑日色赤如赭

丁巳東南有聲若雷五行志無

三月甲戌朔大赦天下改元為咸亨元年丁丑改蓬萊

宮為含元殿壬辰太子少師同東西臺三品許敬宗致

仕

表以特

夏四月

癸卯

吐蕃寇陷白州等一十八州又與

于闐合眾襲龜茲撥換城陷之罷安西四鎮

己酉李

辛

亥以右威衛大將軍薛仁貴爲邏娑道行軍大總管右

衛員外大將軍阿史那道眞左衛將軍郭待封爲副領

兵五萬以擊吐蕃庚午幸九成宮雍州大雨雹

高麗酋長鉗牟

岑叛寇邊左監門衛大將軍高侃爲東州道行軍總管

右領軍衛大將軍李謹行爲燕山道行軍總管以伐之

五月丙戌詔曰諸州縣孔子廟堂及學館有破壞并先

來未造者遂使生徒無肄業之所先師闕奠祭之儀久

致飄露深非敬本宜令所司速事營造六月壬寅朔日

有食之秋七月

甲戌以雍華蒲同四州旱遣使慮囚減中御諸廩馬

戊子前西臺

侍郎李敬元起復本職仍依舊同東西臺三品薛仁貴

郭待封至大非川爲吐蕃大將論欽陵所襲大敗仁貴

等竝坐除名吐谷渾全國盡沒唯慕容諾曷鉢及其親

信數千帳內屬仍徙於靈州界八月

庚戌以穀貴禁酒

甲子

新書

丁巳至自九成宮梁州都督趙王福薨丙寅以久旱避正

殿尚食減膳九月

丁丑給復雍華同岐邠隴六州一年

甲申衛國夫人楊

氏薨贈魯國夫人諡曰忠烈閏月

癸卯皇后以旱請避位

壬子故

贈司徒周忠孝公士彥贈太尉太子太師太原郡王贈

魯國忠烈太夫人贈太原王妃甲寅葬太原王妃京官

文武九品已上及外命婦送至便橋宿次

姜恪為涼州道行軍大總

管以伐吐蕃

冬十月癸酉大雪平地三尺餘行人凍死者贈

帛給棺木令雍同華州貧窶之家有年十五已下不能

存活者聽一切任人收養爲男女充驅使皆不得將爲

奴婢

庚辰詔文武官言事

丙申

新書乙未

太子右中護兼攝正諫大夫

同東西臺三品趙仁本爲左肅機罷知政事十二月庚寅諸司及百官各復舊名是歲天下四十餘州旱及霜蟲百姓飢乏關中尤甚詔令任往諸州逐食仍轉江南租米以賑給之

二年春正月乙巳幸東都留皇太子宏於京監國令侍臣戴至德張文瓘李敬元等輔之唯以閭立本郝處俊從甲子至東都二月丁亥雍州人梁金柱請出錢三千貫賑濟貧人夏四月戊子大風折木六月戊寅左散騎

常侍兼檢校祕書太子賓客周國公武敏之以罪復本

姓賀蘭氏除名流雷州丁亥新書癸巳以旱親錄囚徒秋九

月地震新書五行志無丙申司徒潞州刺史徐王元禮薨冬十

月丙子搜揚明達禮樂之士十一月甲午朔日有食之庚

戌幸許汝等州教習遣使存問所過疾老鰥寡慮囚十二月癸酉冬狩

校獵於許州葉縣昆水之陽丙戌還東都是歲姜恪為侍中閤立木

為中書令

三年春正月辛丑發梁益等一十八州兵募五千三百

人遣右衛副率梁積壽往姚州擊叛蠻辛未制雍洛二

州人聽任本州官二月己卯侍中永安郡公姜恪卒於

河西鎮守夏四月戊寅幸合璧宮壬午

新書王申

於洛水南

教旂上問中書令閻立本黃門侍郎郝處俊伊尹負鼎

俎干湯應是補葺時政不知鑄鼎所緣復在何國將爲

國之重器歷代傳寶閻立本以古義對五月乙未五品

已上改賜新魚袋竝飾以金三品已上各賜金裝刀子

礪石一具六月丙子於洛州柏崖置倉秋八月壬午特

進高陽郡公許敬宗卒九月壬寅

新書癸卯

沛王賢徙封雍

王乙卯冀州大都督府復爲魏州魏州復爲冀州冬十

月己未皇太子監國

案二年正月幸東都詔皇太子宏監國是月壬戌始還京師則是去

年至此皆皇太子監國不必復書監國也若以駕還京

師留太子於東都雖太子宏傳監國下有召詣東都文

未知卽是此年否然駕幸東都則京師重地當以太子監國若東都不過巡幸之地駕還京師何可亦云監國也義似未長疑屬衍文

王戊車駕還京師乙亥中書侍郎同中書門下三品道國公戴至德加兼戶部尚書黃門侍郎同中書門下三品張文瓘檢校大理卿黃門侍郎餽山縣公同中書門下三品郝處俊爲中書侍郎兼檢校吏部侍郎同中書門下三品李敬元爲吏部侍郎竝依舊同中書門下三品十一月戊子朔日有食之甲辰至自東都十二月癸卯案十二月無癸卯太子左庶子劉仁軌同中書門下三品是冬左監門大將軍高侃大敗新羅之衆於橫水

四年春正月甲午詔咸亨初收養爲男女及驅使者聽
量酬衣食之直放還本處丙辰絳州刺史鄭王元懿薨
二月壬午以左金吾將軍裴居道女爲皇太子宏妃夏
四月丙子幸九成宮閏五月丁卯燕山道總管李謹行
破高麗叛黨於瓠盧河之西高麗平壤餘衆遁入新羅

禁作築捕魚
營圈取獸者

秋七月庚午九成宮太子新宮成上召五

品已上諸親宴太子宮極歡而罷辛巳婺州暴雨水泛
溢漂溺居民六百家詔令賑給八月辛丑上疢疾令太
子受諸司啟事己酉大風毀太廟鴟吻冬十月壬午中
書令博陵縣子閻立本薨乙未皇太子宏納妃畢曲赦

岐州大酺三日庚子還京師乙巳至自九成宮十一月
丙寅上製樂章有上元二儀三才四時五行六律七政
八風九宮十洲得一慶雲之曲詔有司諸大祠享卽奏
之十二月丙午弓月疎勒二國王入朝請降

五年

上元元年

春二月壬午遣太子左庶子同中書門下三

品劉仁軌爲雞林道大總管以討新羅仍令衛尉卿李
弼右領大將軍李謹行副之三月辛亥朔日有食之已
巳皇后祀先蠶夏四月辛卯以尚輦奉御周國公武承
嗣爲宗正卿五月己未詔春秋二社本以祈農如聞此
外別爲邑會此後除二社外不得聚集有司嚴加禁止

六月壬寅太白入東井秋八月壬辰追尊宣簡公爲宣

皇帝

妣張氏曰宣莊皇后

懿王爲光皇帝

妣賈氏曰光懿皇后

太祖武皇帝

案高祖初諡大武無太祖廟號此疑譌大爲太而闕高字

爲高祖神堯皇帝太宗文

皇帝爲文武聖皇帝太穆皇后爲太穆神皇后文德皇

后爲文德聖皇后皇帝稱天皇皇后稱天后改咸亨五

年爲上元元年大赦

賜酺三日

戊戌敕文武官三品已上服

紫金玉帶四品深緋五品淺緋竝金帶六品深綠七品

淺綠竝銀帶八品深青九品淺青鍮石帶庶人服黃銅

鐵帶一品已下文官竝帶手巾算袋刀子礪石武官欲

帶亦聽之九月辛亥百僚具新服上宴之於麟德殿癸

丑追復長孫无忌官爵仍以其曾孫翼襲封趙國公許
歸葬於昭陵先造之墳冬十一月丙午朔幸東都已酉
狩於華山之曲武原戊辰至東都十二月癸未蔣王憚薨

新書
自殺

戊子于闐王伏闕雄來朝辛卯波斯王卑路斯來

朝壬寅天后上意見十二條請王公百僚皆習老子每

歲明經一準孝經論語例試於有司又請子父在爲母

服三年

后妃傳十二事一勸農桑薄賦徭二給復三輔

地三息兵以道德化天下四南北中尚禁浮巧

五省功費力役六廣言路七杜讒口八王公以降皆習

老子九父在爲母服齊衰三年十上元前勳官已給告

身者無追覈十一京官八品以上益稟入十二百官任

事久材高位下者得進階申滯帝皆下詔略施行之

號王鳳薨

二年春正月甲寅熒惑犯房

己未給復雍同華岐隴五州一年

壬戌支

汗郡王獻碧玻瓈丙寅以于闐爲毘沙都督府以尉遲
伏闍雄爲毘沙都督分其境內爲十州以伏闍雄有擊
吐蕃功故也庚午龜茲王白素稽獻銀頗羅辛未吐蕃
遣其大臣論吐渾彌來請和不許二月雞林道行軍大
總管劉仁軌大破新羅之衆於七重城斬獲甚衆新羅
遣使入朝獻方物伏罪赦之復其王金法敏官爵三月
丁未日色如赭丁巳天后親蠶於邕山之陽時帝風疹
不能聽朝政事皆決於天后自誅上官儀後上每視朝
天后垂簾於御座後政事大小皆預聞之內外稱爲二

聖帝欲下詔令天后攝國政中書侍郎郝處俊諫止之

夏四月分括州永嘉安固二縣置溫州析臨海縣爲樂

安永寧二縣辛巳周王顯妃趙氏以罪幽死丙戌以旱避正殿減

膳儉樂詔己亥皇太子宏薨於合璧宮之綺雲殿新書

百官事殺皇太子后妃傳蕭妃女義陽宣城公主幽掖時帝幸

合璧宮是日還東都五月己亥新書庚申案五月追諡無己亥當從新書

太子宏爲孝敬皇帝六月戊寅以雍王賢爲皇太子大

赦秋七月辛亥洛州復置緱氏縣以管孝敬皇帝恭陵

慈州刺史杞王上金坐事於澧州安置八月庚寅葬孝敬皇帝於

恭陵丁酉詔婦人爲宮官者歲得一見其親庚子太子左庶子同中書門下

三品樂城縣侯劉仁軌為左僕射依舊監修國史戴至德為

右僕射

中書門下三品大理卿張文瓘為侍中中書侍郎

同中書門下三品甌山縣公郝處俊為中書令監修國

史如故吏部侍郎檢校太子左庶子監修國史李敬元

吏部尚書兼太子左庶子同中書門下三品依前監修

國史左丞許圜師為戶部尚書九月丙午宰相劉仁軌

戴至德張文瓘郝處俊並兼太子賓客冬十月析永州

營道江華唐興三縣置道州庚辰雍州雨電五行志無壬午星孛於

角亢之南長五尺十二月丁亥龜茲王白素稽獻名馬

三年

儀鳳元年

春正月壬戌徙封冀王輪為相王

丁卯納州獠寇邊

二月甲戌移安東都護府於遼東乙亥堅昆獻名馬丁

亥幸汝州之溫湯

遣使慮免汝州輕繫

三月癸卯黃門侍郎來恆

中書侍郎薛元超竝同中書門下三品甲辰還東都

免汝

州今歲半租賜民八十以上帛閏月己巳朔吐蕃入寇鄯廓河芳等四

州左監門衛中郎將令狐智通伐之

乙酉洛州牧周王顯為洮州道行

軍元帥領工部尚書劉審禮等十二總管并州都督相

王輪為涼州道行軍元帥領左衛將軍契苾何力等軍

以討吐蕃二王竟不行戊子敕制比用白紙多為蟲蠹

今後尚書省下諸司州縣宜竝用黃紙其承制敕之司

量為卷軸以備披檢庚寅車駕還京夏四月戊申至自

東都甲寅中書侍郎李義琰同中書門下三品戊午幸

九成宮六月癸亥黃門侍郎高智周同中書門下三品

秋七月

丁亥

慧起東井指北河漸東北長三丈掃中台指

文昌宮五十八日方滅八月乙未

新書乙未案八月無乙未

吐

蕃寇疊州庚子以星變避殿減膳放京城繫囚詔文武

官各上封事言得失壬寅置南選使簡補廣交黔等州

官吏

甲子停南北中尚梨園作坊減少府雜匠

青齊等州海泛溢又大雨漂

溺居人五千家遣使賑卹之冬十月甲午朔

新書乙未

車駕

還京丙申

新書丙午

郇王素節削戶三分之二於袁州安置

降封鄴陽郡王

癸丑於北京置金鄰州十一月丁卯敕新造上

元舞圖丘方澤享太廟用之餘祭則停壬申以陳州言
鳳凰見於宛邱改上元三年曰儀鳳元年大赦庚寅吏
部尚書李敬元爲中書令十二月丙申皇太子賢上所
注後漢書賜物三萬段戊午遣使分道巡撫宰相來恆
河南道薛元超河北道左丞崔知悌等江南道

二年春正月乙亥上躬籍田於東郊庚辰京師地震壬
辰幸司竹園卽日還宮二月丁巳工部尚書高藏授遼
東都督封朝鮮郡王遣歸安東府安輯高麗餘衆司農
卿扶餘隆熊津州都督封帶方郡王令往安輯百濟餘
衆仍移安東都護府於新城以統之

表三月癸亥郝處
俊高智周爲太子

左庶子李義夏四月以河南河北旱遣使賑給太子左庶子張

大安同中書門下三秋八月徙封周王顯為英王改名

哲新書在十月壬辰乙巳新書天文志辛亥太白犯軒轅辛亥劉仁軌為洮河軍鎮

守使冬十二月乙卯敕關內河東諸州召募勇敢以討吐

蕃詔京文武職事官三品已上每年各舉文武才能堪

任將帥牧守者一人是冬無雪是歲西突厥及吐蕃寇安西

三年正月丙子李敬元為洮河道行軍大總管以伐吐蕃表兼安撫大使檢校鄯州都督○癸未遣使募

河南河北猛士以伐吐蕃夏四月丁亥朔以旱避正殿親錄囚徒悉

原之戊申大赦改來年正月一日為通乾癸丑涇州獻

二小兒連心異體年四歲五月壬戌幸九成宮大雨以霖

相王輪爲洛州牧秋七月丁巳宴近臣諸親於咸亨殿
上謂霍王元軌曰去冬無雪今春少雨自避暑此宮甘
雨頻降夏麥豐熟秋稼滋榮又得敬元表奏吐蕃入龍
支張虔勗與之戰一日兩陣斬馘極多又太史奏七月
朔太陽合虧而不虧此蓋上天垂祐宗社降靈豈虛薄
所能致此又男輪最小特所留愛比來與選新婦多不
稱情近納劉延景女觀其極有孝行復是私衷一喜思
與叔等同爲此歡各宜盡醉上因賦七言詩效柏梁體
侍臣竝和九月丁巳還京師辛酉至自九成宮癸亥侍
中張文瓘卒丙寅洮河道行軍大總管中書令李敬元

左衛大將軍劉審禮等與吐蕃戰於青海之上王師敗

績審禮被俘

審禮死之

上以蕃寇爲患問計於侍臣中書舍

人郭正一等咸以備邊不深討爲上策冬十月

丙申停劍南隴

右歲貢

丙午徐州刺史密王元曉薨閏月

新書閏在十一月

戊寅

熒惑犯鉤鈴十一月

新書閏十一月

乙未

新書丙申

昏霧四塞連夜

不解丙申雨木冰壬子黃門侍郎同中書門下三品來

恆卒十二月

癸丑

詔停明年通乾之號以反語不善故也

四年

調露元年

春正月辛未

案正月無辛未

戶部尚書平恩縣公許

圜師卒已酉

新書戊子

幸東都庚戌尚書右僕射道國公戴

至德薨二月壬戌吐蕃贊普卒遣使弔祭之乙丑東都

饑官出糴米以救饑人夏四月壬午熒惑入羽林星左

丞崔知悌爲戶部尚書

辛酉

中書令郝處俊爲侍中

裴薛元超

檢校太子左庶子

五月壬午盜殺正諫大夫明崇儼丙戌皇太

子賢監國戊戌造紫桂宮於澠池之西六月辛亥制大

赦天下改儀鳳四年爲調露元年

吏部侍郎裴行儉伐西突厥

秋七

月己卯朔詔以今年冬至有事嵩岳禮官學士詳定儀

注八月丁巳侍中郝處俊左庶子高智周黃門侍郎崔

知溫給事中劉景先兼修國史九月壬午吏部侍郎裴

行儉討西突厥擒其十姓可汗阿史那都支及別帥李

遮旬以歸冬十月單于大都護府突厥阿史德溫傅及

奉職二部相率反叛立阿史那泥熟匐爲可汗二十四
州首領竝叛遣單于大都護長史蕭嗣業將軍花大智
李景嘉等討之與突厥戰爲賊所敗嗣業配流桂州王
子令將軍曹懷舜率兵往恆州守井陘崔獻往絳州守
龍門以備突厥庚申前詔封嵩山宜停癸亥吐蕃文成
公主遣其大臣論塞調傷來告喪請和親不許遣郎將
來令文使吐蕃會贊普之葬十一月戊寅朔左庶子同
中書門下三品高智周罷知政事表罷爲御史大夫御
部侍郎裴行儉爲禮部尚書賞擒都支遮匐之功也甲
辰裴行儉爲定襄道大總管與營州都督周道務等兵

十八萬并西軍程務挺東軍李文暕等總三十萬以討突厥十二月甲寅臨軒試應牧岳舉人

二年

永隆元年

春正月乙酉宴諸王諸司三品已上諸州都

督刺史於洛城南門樓奏新造六合還淳之舞二月丙午詔曰故符璽郎李延壽撰正典一部辭殫雅正雖已淪亡功猶可錄宜賜其家絹五十疋王子霍王元軌率文武百僚請出一月俸料助軍以討突厥癸丑幸汝州溫湯丁巳至少室山戊午親謁少姨廟賜故玉清觀道士王遠知諡曰昇真先生贈太中大夫又幸隱士田遊巖所居己未幸嵩陽觀及啟母廟竝命立碑又幸逍遙

谷道士潘師正所居甲子

新書
乙丑

白溫湯還東都三月裴

行儉大破突厥於黑山擒其首領奉職偽可汗泥熟匐

爲其部下所殺傳首來降夏四月乙丑幸紫桂宮戊辰

黃門侍郎裴炎崔知溫中書侍郎王德真竝同中書門

下三品五月癸未熒惑犯輿鬼丁酉太白經天秋七月

巳卯吐蕃寇河源屯於良非川

辛巳

河西鎮撫大使李敬元

與吐蕃將贊婆戰於湟中官軍敗績時左武衛將軍黑

齒常之力戰大破蕃軍遂擢爲河源軍經略大使令李

敬元鎮鄯州爲之援丙申江王元祥薨是月突厥餘衆

圍雲州中郎將程務挺擊破之

都督竇懷哲敗之

八月丁未自

紫桂宮還東都丁巳鄴州都督李敬元左遷衡州刺史
甲子廢皇太子賢爲庶人幽於別所乙丑立英王哲爲
皇太子改調露二年爲永隆元年赦天下大酺三日巳
太子左庶子同中書門下三品張大安坐庶人左遷普
州刺史九月河南河北諸州大水遣使賑卹溺死者官
給棺槨其家賜物七段甲申王德貞罷爲相王府長史冬十月壬寅
蘇州刺史曹王明封零陵郡王於黔州安置坐附庶人
賢也已酉自東都還京戊辰至東都十一月壬申朔日有食之
洛州饑減價官糴以救饑人

二年

開耀元年

春正月突厥寇原慶等州乙亥命將軍李知

十王果等分兵禦之

辛巳賜京官九品以上酺三日

癸巳遣禮部尚書

裴行儉爲定襄道大總管率師討突厥溫傳部落己亥

減殿中太僕馬省諸方貢獻

詔雍岐華同民戶宜免兩年地稅河南

河北遭水處一年上詔雍州長史李義元曰朕思還淳

返朴示天下以質素如聞游手墮業此類極多時稍不

豐便致饑饉其異色綾錦并花間裘衣等糜費旣廣俱

害女工天后我之匹敵常著七破間裘豈不知更有靡

麗服飾務遵節儉也其紫服赤衣閭閻公然服用兼商

賈富人厚葬越禮卿可嚴加捉搦勿使更然二月丙午

皇太子親行釋奠禮三月辛卯左僕射同中書門下三

品劉仁軌兼太子少傅侍中郝處俊爲太子少保罷知

政事夏五月

乙酉常州人劉龍子謀反伏誅

丙戌定襄道總管曹懷舜

與突厥阿史那伏念戰於橫水官軍大敗懷舜減死配

流嶺南

已丑黑齒常之及吐蕃戰於良非川敗之

六月壬子故江王元祥男

永嘉郡王暉

以犯名教斬於大理寺後園秋七月

已丑太平公

主出降薛紹赦京城繫囚

甲午劉仁軌罷左僕射裴以太子少傅同中書門下三品

閏月丁未黃門侍郎裴炎爲侍中黃門侍郎崔知溫中

書侍郎薛元超竝爲

新書

中書令庚申

新書

上以服餌

令皇太子監國丙寅雍州大風害稼米價騰踊是日裴

行儉大破突厥阿史那伏念之衆伏念爲程務挺急追

遂執溫傳來降行儉於是盡平突厥餘黨行儉執伏念

溫傳振旅凱旋八月丁卯朔河南河北大水

遣使賑乏絕室廬壞

者給復一年溺死者贈物人三段

許遭水處往江淮已南就食丁亥戶

部尚書崔知悌卒辛卯改交州爲安南都護府九月丙

申彗星見於天市長五尺

壬戌裴行儉停突厥溫傳可汗阿史那伏念以獻

乙

丑改永隆二年爲開耀元年曲赦定襄軍及緣征突厥

官吏兵募等冬十月丙寅朔日有食之斬阿史那伏念

及溫傳等五十四人於都市丁亥新羅王金法敏薨仍

以其子政襲位十一月癸卯徙庶人賢於巴州十二月

吐火羅獻金衣一領上不受辛未太子少保龜山縣公

郝處俊薨

永淳元年春正月乙未朔以年饑罷朝會關內諸府兵

令於鄧綏等州就穀二月癸未以太子誕皇孫滿月大

赦改開耀二年爲永淳元年大酺三日

是月突厥車薄咽麴寇邊

三

月戊午立皇孫重照爲皇太孫欲開府置僚屬吏部郎

中王方慶曰案周禮有嫡子無嫡孫漢魏已來皇太子

在不立太孫但封王耳晉立愍懷太子子臧爲太孫齊

立文惠太子子昭業爲太孫便居東宮而皇太子在而

立太孫未有前例上曰自我作古可乎亦

疑作曰

可然竟不

立府僚是春關內旱日色如赭夏四月甲子朔日有食

之內寅幸東都皇太子京師畱守命劉仁軌裴炎薛元超等輔之上以穀貴減扈從兵士庶從者多殍踣於路辛未以裴行儉爲金牙道行軍大總管與將軍閻懷旦等三總管兵分道討十姓突厥阿史那車薄行儉未行而卒安西副都護王方翼破車薄咽麴西域平戊寅次澠池之紫桂宮乙酉至東都丁亥黃門侍郎郭待舉兵部侍郎岑長倩中書侍郎祕書員外少監郭正一吏部侍郎魏元同竝同中書門下同承受進止平章事上謂參知政事崔知溫曰待舉等歷任尚淺且令預聞政事未可卽與卿等同名稱自是外司四品已下知政事者遂以平

章為名五月壬寅置東都苑總監

乙卯

自丙午連日澍雨

洛水溢壞天津及中橋立德宏教

五行志作敬

景行諸坊溺

居民千餘家六月

甲子突厥骨咄祿寇邊嵐州刺史王德茂死之

關中初雨麥

苗澇損後旱京兆岐隴螟蝗食苗竝盡加以民多疫癘

死者枕藉於路詔所在官司埋瘞丁丑以岐州刺史蘇

良嗣為雍州長史京師人相食寇盜縱橫秋七月己亥

造奉天宮於嵩山之陽仍置嵩陽縣又於藍田造萬全

宮庚申零陵王明薨

新書自殺

是秋山東大水民饑吐蕃寇

柘松翼等州

驍衛郎將李孝逸伐之

冬十月甲子京師地震丙寅

黃門侍郎劉景先同中書門下平章事十二月南天竺

于闐各獻方物突厥餘黨阿史那骨篤突厥傳作咄祿等招

合殘眾據黑沙城入寇并州北境

二年

宏道元年

春正月甲午朔幸奉天宮遣使祭嵩岳少室

箕山具茨等山西王母啟母巢父許由等祠二月甲子

洛州長史李仲元爲宗正卿庚午突厥寇定州媯州之

境

定州刺史霍王元軌敗之

己卯左領軍衛大將軍薛仁貴卒三月

庚寅突厥阿史那骨篤祿阿史德元珍等圍單于都護

府

司馬張行師死之庚子李義琰罷表以銀青光祿大夫致仕

丙午彗見五車北二

十五日而滅癸丑中書令崔知溫卒夏四月己巳還東

都

壬申郭待舉郭正一同中書門下平章事表待舉檢校太子左庶子正一爲中書侍郎

甲申綏

州部白鐵余據城平縣反命將軍程務挺將兵討之五

月庚寅幸芳桂宮阻雨還東都己突厥寇蔚州殺刺史

李思儉豐州都督崔智辨率師出朝那山掩擊之爲賊

所敗遂寇嵐州秋七月己丑封皇孫重福爲唐昌郡王

甲辰相王輪改封豫王仍當作名旦薛元超罷八月乙丑令

唐昌郡王重福爲京師畱守劉仁軌副之召皇太子至

東都丁卯淳己巳河水溢壞河陽城水面高於城內五

尺北至鹽坎居人廬舍漂沒皆盡南北竝壞案五行志

道無不碎破此言南北竝壞蓋言橋道也南北上疑闕津橋字庚戌熒惑入輿鬼犯質

星九月己丑以太平公主子生赦東都冬十月皇太子來朝癸亥幸奉天

宮時天后自封岱之後勸上封中岳每下詔草儀注卽
歲饑邊事警急而止至是復行封中岳禮上疾而止上
苦頭重不可忍侍醫秦鳴鶴曰刺頭微出血可愈天后
帷中言曰此可斬欲刺血於人主首邪上曰吾苦頭重
出血未必不佳卽刺百會上曰吾眼明矣十一月戊戌
命將軍程務挺爲單于道安撫大使以招討總管材山
賊案材山賊當作突厥元珍骨篤祿賀魯等辛丑詔皇太子監國裴
炎劉齊賢郭正一等於東宮同平章事新書戊申丁未自奉
天宮還東都上疾甚宰臣已下竝不得謁見十二月己

酉

案正月甲午朔則十二月之朔當是戊午無己酉也新書作丁巳亦誤

詔改永淳二年

爲宏道元年將宣赦書上欲親御則天門樓氣逆不能
上馬遂召百姓於殿前宣之禮畢上問侍臣曰民庶喜
否曰百姓蒙赦無不感悅上曰蒼生雖喜我命危篤天
地神祇若延吾一兩月之命得還長安死亦無恨是夕
帝崩於貞觀殿時年五十六宣遺詔七日而殯皇太子
卽位於柩前園陵制度務從節儉軍國大事有不決者
取天后處分羣臣上諡曰天皇帝廟號高宗文明元
年八月庚寅葬於乾陵天寶八載改諡
天皇帝天寶十三載改
諡曰天皇帝大聖大宏孝皇帝

史臣曰大帝往在藩儲見稱長者暨昇旒屢頓異明哉

虛襟似納於觸鱗下詔無殊於扇暍旣蕩情於帷薄遂
忽怠於基局惑麥斛之佞言中宮被毒聽趙師之誣說
元舅銜冤忠良自是脅肩姦佞於焉得志卒致磐維盡
戮宗社爲墟古所謂一國爲一人興前賢爲後愚廢信
矣哉

贊曰藉文鴻業僅保餘位封岱禮天其德不類伏戎於
寢構堂終墜自蘊禍胎邦家殄瘁

新書贊曰小雅曰赫赫宗周褒姒滅之此周幽王之
詩也是時幽王雖亡而太子宜臼立是爲平王而詩
人乃言滅之者以爲文武之業於是蕩盡東周雖在
不能復興矣其曰滅者甚疾之之辭也武氏之亂唐
之宗族戕殺殆盡其賢士大夫不免者十八九以太
宗之治其遺德餘烈在人者未遠而幾於遂絕其爲

唐書卷第五
惡豈一褒姒之比邪以太宗之明昧於知子廢立之際不能自決卒用昏童高宗溺愛衽席不戒履霜之漸而毒流天下貽禍邦家嗚呼父子夫婦之間可謂難哉可不慎哉

唐書卷第五

唐書卷第六

本紀六

則天皇后

則天皇后武氏諱曌并州文水人也父士彞隋大業末爲鷹揚府隊正高祖行軍於汾晉每休止其家義旗初起從平京城貞觀中累遷工部尚書荊州都督封應國公初則天年十四時太宗聞其美容止召入宮立爲才

人

后妃傳母楊慟哭與訣后獨自如日見天子庸知非福何兒女悲乎母體其意止泣既見帝賜號武媚

及太宗崩遂爲尼居感業寺大帝于寺見之復召入宮

拜昭儀時皇后王氏良娣蕭氏頻與武昭儀爭寵互讒

毀之帝皆不納

后妃傳才人有權數詭變不窮始下辭降體事皇后喜數譽于帝故進爲昭儀

一旦顧幸在蕭右，浸與后不協。后性簡重，不曲事上下。而母柳見內人尚宮無浮禮，故昭儀伺后所薄，必款結之，得賜子盡以分遺。由是后及妃所為，必得得輒以聞。然未有以中也。昭儀生女，后就顧弄去。昭儀潛斃兒，衾下伺帝至，陽為歡言，發衾視兒死矣。又驚問左右，皆曰：「后適來，昭儀即悲涕。」帝不能察，怒曰：「后殺吾女，往與妃譖。」妃今又爾邪？由是昭儀得入其訾。后進號宸妃，傳帝無以自解，而帝愈信愛。始有廢后意。永徽六年，廢王皇后，欲進號宸妃。侍中韓瑗、中書令來濟言：「妃嬪有數，今別立號不可。」永徽六年，廢王皇后，而立武宸妃為皇后。后妃傳：昭儀乃誣后與母厭勝，帝忌褚遂良、韓瑗來濟，溺死固，爭帝猶豫，而中書舍人李義府、衛尉卿許敬宗素險側，狙勢即表請昭儀為后。帝意決下，高宗稱天皇武后，亦稱天后。后素多智計，兼涉詔廢后。文史帝自顯慶已後，多苦風疾，百司表奏皆委天后詳決。后妃傳：后已得志，即盜威福，施施無憚。避帝亦懦，昏舉能鉗勒，使不得專久，稍不平。麟德初，后召方士郭

行其入禁中為蠱祝宦人王伏勝發之帝怒因召西臺
侍郎上官儀儀指言后專恣失海內望不可承宗廟與
帝意合乃趣使草詔廢之左右馳告后遽從帝自詠帝
羞縮待之如初猶意其恚且曰是皆上官儀教我后諷
許敬宗構自此內輔國政數十年威勢與帝無異當時
儀殺之

稱為二聖

后妃傳每視朝殿中垂簾帝與后偶坐生殺
賞罰惟所命當其忍斷雖甚愛不少隱也后

乃更為太平文治事大集諸儒內禁殿議定列女傳臣
軌百餘新誠樂書等大抵千餘篇因令學士密裁可奏
議分宰相權帝將下詔遜位于后宰相郝處俊固諫乃
止后欲外示寬裕却人心使歸已即奏言今羣臣納半
俸百姓計口錢以贍邊兵恐四
方安商虛實請一罷之詔可
案上二月無
丁巳詳上卷

大帝崩子甲皇太子顯即位尊天后為皇太

后既將篡奪是日自臨朝稱制庚午加授澤州刺史韓

王元嘉為太尉

霍王元軌為司徒
舒王元名為司空

豫州刺史滕王元嬰

為開府儀同三司絳州刺史魯王靈夔為太子太師相

州刺史越王貞為太子太傅安州都督紀王慎為太子

太保元嘉等地尊望重恐其生變故進加虛位以安其

心甲戌劉仁軌為尚書左僕射兼京師留守岑長倩為兵部

尚書魏元同為黃門侍郎竝依舊知政事劉齊賢為侍

中裴炎為中書令戊寅郭待舉同中書門下三品表左散騎常侍拜○癸未郭正一罷表罷

為國子祭酒

嗣聖元年光宅元年春正月甲申朔新書癸未案去年正月甲午朔此年甲申朔相

去十日未詳改元癸巳左散騎常侍韋宏敏為太府卿同中書門下三品二月戊午廢

皇帝為廬陵王幽于別所仍改賜名哲己未立豫王輪

當從新書名凡為皇帝令居于別殿妃劉氏為皇后立永平大

赦天下改元文明賜文武官五品已上爵一等九品已

五品已上舉皇太后仍臨朝稱制甲子皇帝率羣臣上

所知一人冊皇帝庚午當從新書廢皇太孫重照為庶人丁太常

卿兼豫王府長史王德貞為侍中中書侍郎豫王府司

馬劉禕之同中書門下三品庚辰贈王清觀道士太中

夫三月丁亥徙封上金為庶人賢死于巴州新書在二

夏四月丁巳滕王元嬰薨辛酉改封畢王上金為澤王葛王

素節為許王癸酉遷廬陵丁丑遷廬陵王哲於均州五

癸巳以大閏五月甲子禮部尚書武承嗣為太同中書門

喪禁射獵

下三品秋七月

戊午廣州崑崙殺其都督路元猷

乙丑突厥骨咄祿元

珍寇朔州命左威衛大將軍程務挺拒之

辛未彗星見西

北方長二丈餘經三十三日乃滅

八月庚寅葬天皇大帝于乾陵丙午武承

嗣罷表罷為禮部尚書

九月甲大赦天下改元為光宅旗幟改從

金色飾以紫畫以雜文改東都為神都

易內外官服青者以碧追尊老

子母為先天太后

又改尚書省及諸司官名初置右肅政御史

臺官員

丙辰左威衛大將軍程務挺為單于道安撫大使以備突厥已巳追尊武氏五代祖克己為魯

國公妣裴氏為魯國夫人高祖居常為太尉北平郡王妣劉氏為王妃會祖儉為太尉金城郡王妣宋氏為王

妃祖華為太尉太原郡王妣趙氏為王妃考士護為太師羅王妣楊氏為王妃案舊書外戚傳五代祖名居常

高祖名克己

丁丑故司空李勣孫柳州司馬徐敬業偽稱揚

州司馬殺長史陳敬之據揚州起兵自稱上將后妃傳

唐之奇臨海以匡復為辭貶韋宏敏為冬十月癸未楚州

司馬李崇福率所部三縣山陽安以應敬業后妃傳

舉嬰城不肯從敬業攻之不克太后拜命左玉鈴衛大

將軍李孝逸為大總管左金吾衛大將率兵三十萬以

討之丁亥左肅政臺御史大夫鸞味道檢校內史同鳳

州刺史李思文曲阿令尹元貞拒戰死丙申殺內史

裴炎追謚五代祖魯國公曰靖高祖北平郡王曰恭肅

王曰忠孝案恭肅舊丁酉楚二州追削敬業父祖官爵

復其本姓徐氏貶劉齊賢為辰州刺史李景謚罷表罷

唐書卷六 武后

四

啓爲正諫大夫同鳳閣鸞臺平章事十一月辛亥左鷹
揚衛大將軍黑齒常之爲江南道行軍大總管庚申右
監門衛將軍蘇孝祥及徐敬業戰于阿谿死之乙丑徐
敬業等王那相殺敬業降丁卯郭待舉罷表罷爲左庶
子同鳳閣鸞臺平章事十二月前中書令薛元超

卒戊子遣御史索風俗癸卯殺左威衛大將軍程務挺后妃傳太

唯一召羣臣廷讓曰朕於天下無負若等知之乎羣臣

唯一太后曰朕輔先帝臨三十年憂勞天下爵位富貴

朕所與也天下安佚朕所養也先帝棄羣臣以社稷爲

託不敢愛身而知愛人今爲戎首者皆將相何見負之

遽且受遺老臣仇扈難制有若裴炎乎世將種能合亡

命若徐敬業乎宿將善戰若程務挺乎彼皆人豪不利
于朕朕能戮之公等才有過彼早爲之不然謹以事
朕無貽天下笑羣臣頓首不敢仰視曰惟陛下命
垂拱元年春正月丁未以敬業平大赦天下改元庚戌
內戊辰劉仁軌薨二月乙巳春官尚書武承嗣秋官尚
史書裴居道右肅政臺御史大夫韋思

謙同鳳閣鸞臺三品突厥寇邊左王鈴衛中郎將三月

淳于處平為陽曲道行軍總管以擊之沈君諒罷崔營罷表丙辰遷廬陵王哲於房州承嗣罷辛未頒下

親撰垂拱格於天下夏四月丙子內史竊味道左授青州

刺史癸未淳于處平及突厥戰於忻州敗績五月丙午秋官尚書裴居道為

內史新書作丁未納言王德真配流象州表初貶同州刺史配流

已酉冬官尚書蘇良嗣為新書守納言詔內外文武九品

已上及百姓咸令自舉王戌以早慮囚王申韋是夏大

旱表七月己酉魏元同自文昌左丞遷鸞臺侍郎○九月丁卯揚州地生毛十一月癸卯韋待價為燕然道

行軍大總管以學突厥

二年春正月辛酉皇太后下詔復政於皇帝以皇太后既

非實意乃固讓皇太后仍依舊臨朝稱制大赦天下賜

官勅一轉初令都督刺史竝準京官帶魚二月辛未朔

三月丙辰魏元同初置匭於朝堂有進書言事者聽

投之由是人間善惡事多所知悉后妃傳治銅匭為一

賞自言南日招諫受時政失得西日申冤受抑枉所夏

四月庚辰岑長倩為內史五月丙午裴居道為內史案

紀於元年誤作內史表于二年六月辛未蘇良嗣為文昌

左相天官尚書韋待價為文昌右相竝同鳳閣鸞臺三

品新書待價在己卯右肅政御史大夫韋思謙為新書

納言十月己巳有山出於新豐縣改新豐為慶山赦囚

給一年賜酺三日十二月免并州百姓庸調終其

身是冬無雪后妃傳荆人俞文俊上言人不和虎賁生地不和堆阜出今陛下以女主處陽位山變為災非慶也太后怒投嶺外

三年春正月

新書閏正月丁卯案元宗紀當從新書

封皇帝子成義為恆

王

新書在元年五月案兩書本傳皆在三年新書紀誤

隆基為楚王隆範為衛王

隆業為趙王

二月己亥以旱避正殿減膳丙辰突厥寇昌平黑齒常之擊之三月乙丑

思謙請致仕許之

表以太中大夫致仕

夏四月

帝妃裴氏日哀皇辛丑追號孝敬皇

后葬于恭陵癸丑以上言事

壬戌裴居道為納言

五月夏

官侍郎張光輔為鳳閣侍郎同鳳閣鸞臺平章事庚午

劉禕之賜死于家秋

七月丁卯冀州雌雞化為雄乙亥京師地震雨金於廣州

八月

子地官尚書魏元同檢校納言

交趾人李嗣仙殺安南都護劉延祐據交州桂

州司馬曹元靜敗之是月突厥寇朔州燕然道行軍大
總管黑齒常之敗之九月已卯虢州人楊初成自稱郎
將募州人迎廬陵王於房州不果見殺十月庚子右監
門衛中郎將襲寶璧及突厥戰敗績十二月壬辰韋待
價為安息道行軍大總管安西大都
護閭溫古副之以擊吐蕃是歲大饑

四年春

正月甲子增七廟立高祖太宗高宗廟於神都

二月

新書正毀乾元殿

就其地造明堂

后妃傳以浮屠薛懷義為使督作役士數萬巨木率一章千人乃能引又度明

堂後為天堂鴻麗嚴奧次之堂成拜懷義左威衛大將軍梁國公

山東河南甚饑乏詔

司屬卿王及善司府卿歐陽通冬官侍郎狄仁傑巡撫

賑給

三月壬戌殺麟臺少監周思茂

夏四月

戊戌殺太子通事舍人郝象賢魏王武承

嗣偽造瑞石文云聖母臨人永昌帝業令雍州人唐同

泰表稱獲之洛水皇太后大悅號其石為寶圖擢同泰

游擊將軍五月

乙亥

皇太后加尊號曰聖母神皇

六月丁亥朔日

有食之得瑞石於汜水

秋七月

丁巳

大赦天下改寶圖曰天授聖圖

洛水為永昌洛水

封洛水神為顯聖加位特進并立廟

后妃傳勒石洛

壇左曰天授聖圖之表改汜水曰廣武

就水側置永昌縣

改嵩山為神岳封其神為天中

王太師使持節大都督

天下大酺五日

戊午京師地震

八月

戊戌神都地震

壬寅

新書博州刺史琅邪王冲據博州起兵命左金吾大將

軍邱神勣為行軍總管討之

戊申冲死之

庚戌冲父豫州刺

史越王貞又舉兵於豫州與冲相應九月

丙辰

命內史岑

長倩

為後軍大總管

鳳閣侍郎張光輔

為諸軍節度

左監門

左豹韜衛

大

將軍鞠崇裕

為中軍大將軍

率兵討之丙寅斬貞及冲等傳首

神都改姓為虺氏

州赦豫

曲赦博州

新書在八

韓王元嘉

魯王靈夔元嘉子黃國公譔靈夔子左散騎常侍范陽

王藹霍王元軌及子江都王緒故號王元鳳子東莞公

融及常樂

公主坐與貞通謀元嘉靈夔自殺元軌配流黔州

宰相表在元年譔等伏誅改姓虺氏自是宗室諸王相

繼誅死者殆將盡矣其子孫年幼者咸配流嶺外誅其

親黨數百餘家

丁卯左肅政臺御史大夫騫味道夏官侍郎王本立同鳳閣鸞臺平章事十月

辛亥大風拔木十一月辛酉殺濟州刺史薛顗及其弟駙馬都尉紹

十二月

乙酉殺霍王

緒及殿中監裴承

光己亥殺騫味道已酉神皇拜洛水受天授聖圖是日

還宮明堂成

辛亥改明堂為萬象神宮大赦

永昌元年春正月乙卯神皇親享明堂后妃傳享萬象神

圭執鎮圭肅宗亞獻太子終獻合祭天地五方大赦天

百神從以高祖太宗高宗配引魏王士護從配大赦天

下改元大酺七日丁巳舒王元名為司徒戊午布政於

州雌雞化為雄二月丁酉尊考太師魏忠孝王曰周忠

孝太皇置崇先府官戊戌追諡妣楊氏曰周忠孝太后

太原郡王曰周安成王妣趙氏為王妃金城郡王曰魏

義康王妣宋氏為王妃北平郡王曰趙肅恭王妣劉氏

為王妃五代祖魯國公曰太原靖王夫人裴氏為王

妃后妃傳以文水墓為章德陵咸陽墓為明義陵三

月庚寅甲寅韋方質守地官尚書王本立守左癸酉張光

輔為新書內史武承嗣為納言夏四月甲辰誅蔣王暉道

王元慶徐王元禮曹王明等諸子孫殺汝南郡王瑋鄴

公諡汶山郡公秦零陵徙其家屬於鶴州已酉殺天官

郡王俊廣都郡公瑋武后

人

五月命文昌右相韋待價爲安息道大總管以討吐蕃

新書無案新書本紀及舊書本傳皆作垂拱三年此疑卽新書本紀垂拱三年十二月壬辰之拜○丙辰韋待價及吐蕃戰於寅識迦河敗績案是年正月乙卯朔則此之丙辰亦是月之三日四日耳不應五月拜命不出三日而遽與戰敗舊書闕三年之命而以此月之戰敗爲出師之期疑誤○已巳白馬寺僧薛懷義爲新平道行軍大總管六月令文武官五品已上各舉所知秋七

月丁巳紀王慎被誣告謀反載以檻車流於巴州改姓虺

氏丙子韋待價坐遲留不進士卒多饑饉而死配流繡州

殺閭溫古八月左肅政御史大夫王本立同鳳閣鸞臺三品

新書在七月戊寅辛巳新書誅內史張光輔癸未薛懷義爲新

以擊突厥甲申殺洛州司馬弓嗣業洛陽令弓嗣明陝州參軍弓嗣古流人徐敬真乙未松州雌雞化爲雄辛

丑殺陝州刺史郭正一丁未殺相州刺史九月庚戌殺

弓志元蒲州刺史弓彭祖尚方監王令基殺夏官侍郎

王承乾閏月甲午納言魏元同賜死於家崔營戊申殺

之子厥彭州長史冬十月癸丑殺梁州都督李光誼丁巳殺陝

劉易從軍黑齒常之右鷹揚衛將軍丁卯春官尚書范履冰鳳

趙懷節已未殺嗣鄭王敬閣侍郎邢文禕竝同鳳閣鸞臺平章事改羽林百騎為

千騎

載初元年天授元年正月庚辰神皇親享明堂大赦天下依周

制建子月為正月改永昌元年十一月為載初元年十

二月為臘月改舊正月為一月以周漢之後為二王後

周隋同列大酺三日乙未除唐神皇自以翌字為名后

傳作罍西塋○風忠肅鳳遂改詔書為制書臘月

垂垂十有二文太后自名罍

殺劉春一月戊子王本立罷表蘇良嗣為特進新書武

齊賢罷為地官尚書

承嗣為文昌左相岑長倩為文昌右相裴居道為太子

少傅新書闕表竝依舊同鳳閣鸞臺三品鳳閣侍郎武

攸寧為納言邢文偉為新書內史甲午流韋方質於脩

尚書王本立三月乙酉以旱減膳丁亥蘇良嗣薨五月

戊子殺范履冰己亥殺梁郡公孝逸六月戊申殺汴州

刺史柳秋七月殺豫章王亶新書王遷其父舒王元名

明肅

於和州新書辛有沙門十人偽撰大雲經表上之盛言

神皇受命之事后妃傳拜薛懷義輔國大將軍封鄂國

制頒於天下令諸州各置大雲寺總度僧千人后妃傳

書李思文詭言周書武成爲篇辭有垂拱
天下治爲受命之符后喜皆頒示天下
丁亥殺隨州

刺史澤王上金舒州刺史許王素節并其子數十人
午甲

赦永昌縣癸卯殺太常丞蘇踐言八月辛亥殺許王素

節之子璟曾江縣令白令言甲寅殺裴居道王戊殺將

軍阿史那惠右司郎中喬知之癸亥殺尚書右丞張行

廉泰州刺史杜儒童甲子殺流人張楚金戊辰殺流人

元萬頃苗神客辛未殺南安郡王穎鄆國公昭及諸宗

室李直李徹李然李勲李策李越李黯李元李英李志

業李知言九月乙亥殺鉅鹿郡公晃麟臺九日壬午革

李元貞九月郎裴望及其弟司膳丞璉

唐命改國號爲周后妃傳御史傅游藝率關內父老請

言鳳集上陽宮赤雀見朝堂天改元爲天授大赦天下

子不自安亦請氏武示一尊

賜酺七日乙酉加尊號曰聖神皇帝降皇帝爲皇嗣賜

武氏皇太

子爲皇孫丙戌初立武氏七廟於神都追尊神皇父贈

武氏皇太

太尉太原王士護為孝明皇帝兄子文昌左相承嗣為

魏王天官尚書三思為梁王堂姪懿宗等十二人為郡

王追尊周文王曰始祖文皇帝妣姁氏曰文定皇后四

皇后太原靖王曰嚴祖成皇帝妣曰成莊皇后趙肅恭

王曰肅祖章敬皇帝妣曰章敬皇后魏義康王曰烈祖

昭安皇帝妣曰昭安皇后周安成王曰顯祖文穆皇帝

妣曰文穆皇后忠孝太皇太后曰太祖孝明高皇帝妣曰孝

明高皇后追封伯父及兄弟之子為王堂兄為郡王諸

姑姊為長公主堂姊妹為郡主后妃傳以始祖豕為德

陵睿祖為喬陵嚴祖為節陵肅祖為簡陵烈祖為司賓

靖陵顯祖為永陵章德陵為吳陵明義陵為順陵

卿史務滋為新書納言鳳閣侍郎宗秦客為新書內史

給事中傅游藝為鸞臺侍郎仍依舊知鳳閣鸞臺平章

事令史務滋等十人分道存撫天下改內外官所佩魚

27

甲子貶宗秦客爲遵化尉丁卯
殺流人韋方質己巳殺許王素

瑒瑗琛唐臣辛未貶邢文偉爲珍州
周公爲褒德王孔子爲隆道公改唐

卷之六

甲戌改置社稷旗幟尚赤戊寅殺
雅州刺史劉行實及其弟渠州刺

行感兄子左鷹揚衛將軍虔通戊子
相舊書在元年一月戊子新書表同

史務滋臘月巳未始用周臘春三

新書在元年十月后妃傳四時祠高祖以下三室餘廢不享

壬寅朔日有食之丙午大赦

令釋教在道法之上僧尼處道士

五月丁亥
大風拔木

爲武威道行軍大總管

率諸

軍討吐蕃

新書在五月丁亥表癸卯岑長倩為輔國大將軍

庚戌左肅政御史

大夫格輔元為地官尚書鸞臺侍郎樂思晦

鳳閣侍郎任知古

竝同鳳閣鸞臺平章事秋七月

庚午徙關內雍同等七州

戶數十萬以實洛陽分京兆置鼎稷鴻宜四州

八月戊申武攸

寧罷表罷為左羽林衛大將軍

夏官尚書歐陽通知納言事

司禮卿兼判納言事

庚申殺右王鈴衛大將軍張虔勗

九月

乙亥殺岐州刺史雲宏嗣

壬辰傳游藝下獄

死

癸巳右新書

羽林衛大將軍建昌王攸寧為

新書

納言

冬官侍郎裴行本

洛州司馬狄仁傑為

新書表守

地官侍郎同鳳閣

鸞臺平章事冬十月制官人者咸令自舉

西

殺文昌左

相岑長倩納言歐陽通地官尚書格輔元

壬戌殺樂思晦左衛將軍

李安靜

三年長壽元年正月親祀明堂春一月戊辰冬官新書尚書楊

執柔同鳳閣鸞臺平章事庚午貶任知古為江夏令狄仁傑彭澤令流裴行本於嶺

南乙亥殺右衛大將軍泉獻誠庚辰司刑卿李游道為冬官尚書同鳳閣鸞臺平章事二月戊午秋官尚書袁

智宏同鳳閣鸞臺平章事三月五天竺國竝遣使朝貢夏四月丙申朔日

有食大赦天下改元為如意禁斷天下屠殺五月洛水溢秋

七月大雨洛水泛溢漂流居人五千餘家遣使巡問賑

貸八月甲戌河溢戊寅魏王承嗣為特進建昌王攸寧

為冬官尚書楊執柔為新書地官尚書竝罷知政事秋

官侍郎崔元綜為鸞臺侍郎夏官侍郎李昭德為鳳閣

侍郎檢校天官侍郎姚璿為文昌左丞地官侍郎表守容州

都督檢校地官侍郎李元素為文昌右丞營繕大匠王璿為夏官尚書司賓卿崔神基

竝同鳳閣鸞臺平章事表王璿辛巳拜九月戊戌大霧庚子大赦天

下改元為長壽后妃傳太后雖春秋高善自塗澤雖左右不悟其衰俄而二齒生下詔改元長

壽改用九月為社大酺七日癸卯并州改置北都李遊道

袁智宏王璿崔神基李元素於嶺南冬十月丙戌武威軍總管王孝傑大破

吐蕃復龜茲于闐疎勒碎葉鎮

二年正月親享明堂后妃傳太后自制大樂舞工用九百人以武承嗣為亞獻三思為三

獻臘月癸亥殺皇嗣妃劉氏德妃寶氏丁卯改封皇孫成器

為壽春郡王恆王成義為衡陽郡王楚王隆基為臨淄

郡王衛王隆範為巴陵郡王趙王隆業為彭城郡王春

一月庚子夏官侍郎婁師德同鳳閣鸞臺平章事表乙卯李昭德為夏官侍郎二月新書一尚

方監裴匪躬后妃傳左衛大將軍阿史那元慶白澗府果毅薛大信監門衛大將軍范雲仙坐

潛謁皇嗣腰斬於都市三月己卯殺左衛員外大將軍

信五月乙未殺冬官尚書蘇幹相秋九月丁亥朔日乙

未上加金輪聖神皇帝號作七寶后妃傳置七寶于庭

日馬寶曰珠寶曰主兵臣寶曰大赦天下大酺七日庚

主藏臣寶率大朝會則陳之追尊烈祖昭安皇帝曰渾元昭安皇帝顯祖文穆皇帝

日立極文穆皇帝太祖孝明高皇帝曰無上孝明高皇帝

帝辛丑姚璹罷表在元年九月司賓卿豆盧欽望為新

守內史以下新書表文昌右丞韋巨源同鳳閣鸞臺平

章事秋官侍郎陸元方為鸞臺侍郎同鳳閣鸞臺平章

事

三年

延載元年

正月親享明堂

臘月甲戌突厥默啜寇靈州右鷹揚衛大將軍李多祚敗

之春

使表以秋官尚書充○二月庚午薛懷義為伐逆

道行軍大總管領十八將軍以擊默啜乙亥以早慮囚已卯武威道大總管王孝傑及吐蕃戰于冷泉敗之

三月

甲申

鳳閣侍郎李昭德檢校內史鸞臺侍郎

新書鳳閣舍人

蘇味道

為鳳閣侍郎

同鳳閣鸞臺平章事

薛懷義為朔方道行軍大總管昭德

為朔方道行軍長史味道為司馬

韋巨源為夏官侍郎依舊知政事夏

四月

新書表

夏官尚書

表武威道大總管

王孝傑同鳳閣鸞臺

三品

王戌常

五月

甲午

上加尊號為越古金輪聖神皇帝

大赦天下改元為延載大酺七日秋

七月癸未嵩嶽山人武什方為正諫

大夫同鳳閣鸞臺平章事

八月

什方罷戊辰王孝傑為瀚海道行軍總管

已巳司賓少卿

姚壽為

新書守

納言左肅政御史中丞

新書大夫

楊再思為鸞

臺侍郎洛州司馬杜景儉

新書作景佺

為

新書檢校鳳閣侍郎仍

竝同鳳閣鸞臺平章事

戊寅流崔元綜於振州

梁王武三思勸率

諸蕃酋長奏請大徵斂東都銅鐵造天樞於端門之外

立頌以紀上之功業

新書在證聖元年四月戊寅后妃傳武三思率蕃夷諸酋及耆老請

作天樞紀太后功德以黜唐典周制可使納言姚壽護

作乃大哀銅鐵冶之署曰大周萬國頌德天樞置端

門外其制若柱度高一百五尺八面而別五尺冶鐵象

山為之趾負以銅龍石鑱怪獸環之柱顛為雲蓋出大

珠高丈圍三之作四蛟度丈二尺以承珠其趾山周百

七十尺度二丈無慮用銅鐵二百萬斤乃悉鑄羣臣蕃

酋名氏其上

九月

壬午朔日有食之

壬寅內史李昭德左授欽州南

賓縣尉冬十月

壬申

文昌右丞李元素為鳳閣侍郎同鳳

閣鸞臺平章事

右肅政臺御史中丞周允元檢校鳳閣侍郎同鳳閣鸞臺平章事嶺南獠寇邊

容州都督張元遇為桂永等州經畧大使癸酉雨木冰

證聖元年

天冊萬歲元年

正月

辛巳

上加尊號曰慈氏越古金輪

聖神皇帝大赦天下改元大酺七日戊子豆盧欽望韋

巨源杜景儉蘇味道陸元方竝左授趙鄜秦集綏等州

刺史丙申夜明堂災至明而竝從煨燼庚子以明堂災

告廟手詔責躬令內外文武九品已上各上封事極言

正諫

丙午王孝傑為朔方行軍總管以擊突厥

春二月

已酉朔日有食之王子殺薛懷義

甲

子上去慈氏越古尊號

三月丙辰周允元薨

秋

七月辛酉吐蕃寇

邊道行軍大總管以擊之

九月

甲寅

親祀南郊

后妃傳以文王武王加

尊號天冊金輪聖神皇帝大赦天下改元為天冊萬歲

大辟罪已下及犯十惡常赦所不原者咸赦除之大酺

九日

以崇先廟為崇尊廟

萬歲登封元年

萬歲通

臘月

甲戌如神岳

甲申上登封於嵩

嶽大赦天下改元大酺九月丁亥禪於少室山

后妃傳自制升

中述志刻石示後

已丑又制內外官三品已上通前賜爵二等

四品已下加兩階

免今歲租稅

洛州百姓給復二年登封告

成縣三年癸巳至自嵩嶽甲午親謁太廟春

一月甲寅婁師德為

肅邊道行軍副總管以擊吐蕃表以左肅政臺御史大夫充○巳巳改崇尊廟為太廟二月辛巳尊神岳天中王為神岳天中黃帝三月王寅王孝傑妻師德及吐蕃天靈妃為天中黃后三月戰於素羅汗山敗績表孝傑免丁巳重造明堂成改曰通夏四月親享明堂大赦天

下改元為萬歲通天大酺七日新書在三以天下大旱

命文武官九品已上極言時政得失癸酉檢校夏官侍郎孫元亨同鳳閣

鸞臺平章事庚子貶婁師德為原州都督府司馬五月壬子營州城傍契丹首領

松漠都督李盡忠與其妻兄嬀誠州新書歸誠州刺史孫萬

榮殺都督趙文翽舉兵反攻陷營州盡忠自號可汗乙

丑命鷹揚將軍曹仁師右金吾大將軍張元遇右新書左

武威大將軍李多祚司農少卿麻仁節等二十八將討

之秋七月

辛亥

命春官尙書梁王三思爲

榆關道

安撫大使

納言姚璦爲之副制改李盡忠爲盡滅孫萬榮爲萬斬

八月

丁酉

張元遇曹仁師麻仁節與李盡滅戰於西硤石

黃麋谷官軍敗績元遇仁節竝爲賊所虜九月

庚子

命右

武衛大將軍建安王攸宜爲大總管以討契丹并州長

史王方慶爲鸞臺侍郎與殿中監李道廣竝同鳳閣鸞

臺平章事

新書庚申拜

丁巳吐蕃寇涼州都督許欽明爲賊

所執庚申王方慶爲鳳閣侍郎仍依舊知政事

新書表在十月

己卯李盡滅死其黨孫萬斬代領其衆冬十月

辛卯

孫萬斬

攻陷冀州刺史陸寶積死之

甲午慮囚

十一月

案是時建子無十一月疑

誤又陷瀛州屬縣

二年神功元年正月親享明堂王鳳閣侍郎李元素夏官侍

郎孫元亨箕州刺史劉思禮知天官侍郎事石抱忠劉奇給事周璠鳳閣舍人王勣前涇州刺史王勳太子司議郎

路敬淳司門員外郎劉順之右司員外郎宇文全志來庭縣主簿柳璆坐與綦連耀謀反伏

誅癸丑突厥默啜寇勝州平狄道副使安道買敗之甲子原州都督府司馬婁師

德為新書鳳閣侍郎同鳳閣鸞臺平章事春二月乙巳慮四三

月庚子王孝傑蘇宏暉等率兵十八萬與孫萬斬戰於硤

石谷王師敗績孝傑沒於陣宏暉棄甲而遁戊申赦夏

四月戊辰鑄九鼎成置於明堂之庭后妃傳鑄九州鼎各位其方列庭中又敘天下

黃金鑄大癸酉前益州大都督府長史王及善為內史儀鐘不克

五月命右金吾大將軍河內王懿宗為神兵道大總管

及右豹韜衛將軍何遜密以擊契丹癸卯右肅政御史大夫婁師德為清邊道

軍副大總管右武威衛大將軍沙吒忠義為清邊道前軍

總管率兵二十萬以討孫萬斬六月內史新書監李昭

德司僕少卿來俊臣以罪伏誅已卯尚方少監宗楚客同鳳閣鸞臺平章事表檢校

夏官侍郎孫萬斬為其家奴所殺餘黨大潰戊子魏王特承嗣

梁王春官尚書三思並同鳳閣鸞臺三品表李道廣檢校洛州長史辛卯婁師德安

撫河秋七月丁酉武承嗣武三思罷八月丙戌納言姚璿為益州大都督

府長史九月壬寅以契丹李盡滅等平大赦天下改元為

神功大酺七日庚戌婁師德為新書納言冬十月甲午給復徇忠

立節二
縣一年
閏月甲寅前幽州都督狄仁傑為鸞臺侍郎司

刑卿杜景儉為鳳閣侍郎並同鳳閣鸞臺平章事

聖厯元年正月親享明堂大赦天下改元大酺九日

丙寅

宗楚客罷表罷為文昌左丞○丁春三月己巳召廬陵王

哲於房州戊子廬陵王至自房州夏四月庚寅赦神都及河北辛亥婁師德為隴右諸軍大使

檢校河西營田事五月庚午禁天下屠殺突厥默啜上言有女請

和親乙卯大風拔木秋七月令淮陽王武延秀往突厥納默啜

女為妃遣右豹韜衛大將軍閻知微攝春官尚書赴虜

庭辛未杜景佺罷表八月突厥默啜以延秀非唐室諸

王乃囚於別所戊子率眾與閻知微入寇媯檀等州命司

屬卿高平王重規

為天兵中道大總管

右武威衛大將軍沙吒忠

義

為天兵西道前軍總管

幽州都督張仁亶

為天兵東道總管

右

新書羽

林衛大將軍李多祚

右羽林衛大將軍閭敬容為天兵西道後軍總管

等率兵

二十萬逆擊乃放延秀還已丑

新書

默啜攻陷定州刺

史孫彥高死之焚燒百姓廬舍遇害者數千人魏王承

嗣卒

甲午王方慶罷表罷為麟臺監修國史

庚子梁王

春官

三思為

新書

內史狄仁傑為

新書

納言

癸丑突厥

九月

甲子

建昌王

夏官

尚書攸寧同鳳閣鸞臺平章事

新書

戊辰默啜攻陷趙

州

刺史高叡遇害

突厥冠相州沙吒忠義為河北道前軍總管將

將軍富福信為奇兵總管以禦之

丙子

新書

廬陵王

書書六武后

六

哲爲皇太子令依舊名顯大赦天下大酺五日

甲戌皇太子爲

河北道行軍元帥以擊突厥戊寅令納言狄仁傑爲河北道行軍元

帥新書副元帥辛巳皇太子謁太廟天官侍郎蘇味道

爲鳳閣侍郎同鳳閣鸞臺平章事癸未默啜盡殺所掠

趙定州男女萬餘人從五迴道而去所至殘害不可勝

紀冬十月癸卯狄仁傑爲河北道安撫大使夏官侍郎姚元崇麟臺少

監表監修國史李嶠並同鳳閣鸞臺平章事是月間知

微自突厥叛歸族誅之

二年春二月新書正封皇嗣旦爲相王初爲寵臣張易

之及其弟昌宗置控鶴府官員尋改爲奉宸府

后妃傳初置控

鶴府有監有丞及主簿錄事等監三品以易之為之久
視初以控鶴監為天驤府又改奉宸府罷監為令以左
右控鶴為奉宸大班在御史大夫下臘月左右新書肅政
夫易之復為令

御史中丞魏元忠為鳳閣侍郎左肅政臺御史中丞吉頊為天官

侍郎竝同鳳閣鸞臺平章事辛亥賜皇太子姓武氏大赦一月庚申武攸寧罷表

罷為冬二月戊子新書辛卯幸嵩山過王子晉廟丙申新書己丑

幸緱山丁酉至白嵩山三月甲戌以隋唐為二夏四月

壬辰魏元忠檢校并州大都督府長史天兵軍大總管
婁師德副之以備突厥辛丑婁師德為隴右諸軍大使

甲辰吐蕃大論贊婆來奔新書在十月丁亥秋七月丙辰神都大雨洛水

上以春秋高慮皇太子相王與梁王武三思定王武

攸寧等不協令立誓文於明堂八月庚子王及善為文昌

左相

新書同鳳閣鸞臺平章事

豆盧欽望

表太子

為文昌右相仍竝

同鳳閣鸞臺三品

楊再思罷表為左肅政臺御史大夫○丁未試天官侍郎陸元方為鸞臺

平章事婁師德薨戊申武三思為內史

冬十月乙亥

新書乙亥在九月案十月無乙亥當從新

書幸福昌縣

曲赦戊寅復於神都

庚辰王及善薨

是秋黃河溢

三年

久視元年

正月戊午梁王三思為特進

新書壬申罷表為特進太子

少保天官侍郎吉頊配流嶺表

表貶玢

臘月辛巳封皇太

子男重潤為邵王

庚寅陸元方罷司禮卿阿史那斛瑟羅為平西軍大總管

丁酉狄

仁傑為內史

庚子文昌左相韋巨源為納言乙巳如嵩山

戊寅

新書作一月丁卯此戊寅

誤幸汝州之溫湯甲戌

新書

至自溫湯造三陽宮於嵩

山春

二月乙未豆盧欽望罷表罷為太子賓客

三月

癸丑夏官尚書唐奉一為天兵中軍大總管以

備突厥表魏元忠兼洛州長史辛未李嶠為鸞臺侍郎表監修國史知政事

如故表甲戌吉項加左控鶴內供奉案紀項正月戊午

當從傳兩紀夏四月戊申幸三陽宮五月己酉朔日癸

丑上以所疾康復大赦天下改元為久視停金輪等尊

號大酺五日給復告成六月表丁亥魏元忠為左肅政御

史大夫仍舊知政事是夏大旱秋七月新書閏七月戊寅至自

三陽宮己丑天官侍郎張錫為鳳閣侍郎同鳳閣鸞臺平

章事其甥鳳閣鸞臺平章事李嶠為成均祭酒罷知政

事丁酉吐蕃寇涼州隴右諸軍州大使唐休璟敗之於洪源谷壬寅制曰隋尚書令

楊素昔在本朝早荷殊遇稟凶邪之德有諂佞之才馭

亂君上離間骨肉搖動冢嫡寧唯握蠱之禍誘扇後主
卒成請蹕之釁隋室喪亡蓋惟多僻究其萌兆職此之
由生爲不忠之人死爲不義之鬼身雖幸免于竟族誅
斯則姦逆之謀是爲庭訓險薄之行遂成門風刑戮雖
加枝脣仍在何得肩隨近侍齒列朝行朕接統百王恭
臨四海上嘉賢佐下惡賊臣常欲從容於萬機之餘褒
貶於千載之外況年代未遠耳目所存者乎其楊素及
兄弟子孫已下並不得令任京官及侍衛八月庚戌魏元忠爲龍右
諸軍大總管以擊吐蕃九月辛丑內史狄仁傑卒冬十
庚申敕天下僧錢作大像甲寅復舊正朔改一月爲正
月辛丑軍大總管以備突厥

月仍以爲歲首正月依舊爲十一月大赦天下丁巳韋巨

源爲地官尙書文昌左新書丞韋安石爲鸞臺侍郎同

鳳閣鸞臺平章事丁卯幸新安山隴澗曲赦其縣壬申至

自新安十二月開屠禁諸祀祭令依舊用牲牢甲寅突隴

右

大足元年

長安元年

春正月制改元二月

巳酉

鸞臺侍郎李懷

遠同鳳閣鸞臺平章事三月

張巳卯

姚元崇爲鳳閣侍郎

依舊知政事丙申鳳閣侍郎張錫坐賊配流循州夏月

丙午大赦癸丑姚元崇檢校并州以北諸軍州兵馬

五月

乙亥

幸三陽宮

丁丑

命左肅

政御史大夫魏元忠爲

靈武道行軍

大總管以備突厥丙申天

官侍郎顧琮同鳳閣鸞臺平章事六月

庚申夏官侍郎表右

奉宸內供奉

李迥秀同鳳閣鸞臺平章事

表姚元崇兼知夏官尚書事

辛

未曲赦告成縣秋七月甲戌至自三陽宮

乙亥揚楚常潤蘇五州地

震王午蘇味道按察幽平等州兵馬甲申李懷遠罷表罷為秋官尚書

九月

壬申邵王重潤

為易之讒構令自死

及承泰郡主壻武延基

冬十月

壬寅幸京師

辛酉

大赦天下改元為長安

給復關內三年賜酺三日丙寅魏元忠同鳳閣鸞臺三品表兼

羣牧大使○十一月壬寅武三思罷案三思久視元年正月己罷矣此重出誤註詳表戊寅改含元宮為大明

宮表甲午姚崇加相王府長史韋安石加檢校太子左庶子

二年春正月突厥寇鹽夏等州殺掠人吏

三月丙戌李迥秀安置山

東軍馬檢校武騎兵庚寅突厥寇并州雍州長史薛季昶持節山東防禦大使以備之表五月魏元忠為安北

道行軍副元帥尋授并州道行軍大總管兼宣勞使左

肅政臺御史大夫同鳳閣鸞臺三品兼知并州事○七月甲午突厥寇代州八月辛亥劍南六州地震秋九月乙丑朔日有食之不盡

如鉤京師及四方見之王申突厥寇忻州己卯吐蕃請和冬十月甲辰顧琮

薨戊申吐蕃寇悉州茂州都督陳大慈敗之甲寅姚元

崇同鳳閣鸞臺平章事蘇味道韋安石李迥秀同鳳閣鸞臺日本國遣使貢方物十一月甲子相王旦為司徒戊

子親祀南郊大赦天下賜酺三日十二月甲午魏元忠為安東道安撫使

三年春三月壬戌朔日有食之夏四月庚子相王旦表

讓司徒許之吐蕃來求婚乙巳以旱避正殿閏月庚午成均祭酒李嶠同鳳閣鸞臺平章事改

文昌臺為中臺表李嶠兼左丞表丁丑韋安石為神都留守判天官秋官二尚書事己卯

李嶠知納言事表五月戊戌魏元忠兼左庶子六月寧州雨山水暴漲

漂流二千餘家溺死者千餘人秋七月殺右金吾大將

軍唐休璟庚戌校涼州都督唐休璟同鳳閣鸞臺平章事案本傳休璟未嘗被殺且未嘗為金吾

將軍此云殺金吾大將軍九月庚寅朔日正諫大夫朱

敬則同鳳閣鸞臺平章事新書在七月壬寅戊申相王旦為雍

州牧是月丁酉御史大夫兼知政事太子右庶子魏元忠

為張昌宗所譖左授端州高要尉京師大雨雹人畜有

凍死者新書在八月乙酉冬十月丙寅駕還神都乙酉至自京

師十二月丙戌天下置關三十

四年春正月丁未造興泰宮於壽安縣之萬安山壬子天官

侍郎韋嗣立為鳳閣鸞臺平章事新書同三品二月癸亥貶李迥秀為廬州

刺史壬申朱敬則請致仕許之三月丁亥進封平恩郡王重

福為譙王表已丑韋嗣立已亥夏官侍郎宗楚客同鳳

閣鸞臺平章事表唐休璟行右庶子夏四月戊午韋安

石知納言事李嶠知內史事丙子幸興泰宮赦壽安縣給復一年

五月丁亥六月辛酉姚元之罷表罷為相王乙丑天官

侍郎崔元暉為鸞臺侍郎同鳳閣鸞臺平章事表韋嗣立丁

丑李嶠為國子祭酒知政事如故新書同三品壬午相

知夏官尚書同鳳閣鸞臺三品秋七月丙戌表左肅政臺御史大夫楊再思為新

守內史甲午至自興泰宮宗楚客左授原州都督八月

庚申唐休璟兼幽營二州都督表安庚辰姚元崇為司

東都護辛酉姚元崇兼知春官尚書武后三

僕卿知政事表甲寅韋安石檢校揚州大都督府長史九月

壬子姚元之為靈武道行軍大總管表冬十月辛酉姚元之為

知羣牧使兼攝右肅政臺御史大夫靈武道安撫大使表甲戌秋官侍郎張柬之同鳳閣鸞

權檢校左臺大夫表臺平章事表乙亥韋嗣立檢校魏州刺史。壬午懷州

十一月丁亥天官侍郎韋承慶行鳳閣鸞臺平章事李嶠為地官尚書

表監修國史張柬之為鳳閣侍郎表丁未崔元暉兼自九月

至於是月夜陰晦大雨雪都中人有飢凍死者令官司

開倉賑給十二月丙辰韋嗣立罷表罷為成均祭酒

神龍元年五年案神龍本屬則天所改中宗復位春正

月壬午大赦改元新書中宗紀甲辰皇太上新書中宗紀甲辰皇太不豫制自文

明元年已後得罪人除揚豫博三州及諸逆魁首咸赦

除之

庚寅禁屠

癸卯麟臺監張易之與弟司僕卿昌宗反皇

太子率左右羽林軍桓彥範敬暉

張東之崔元暉及左羽林衛將軍敬暉檢

校左羽林衛將軍桓彥範司刑少卿袁恕已左羽林衛將軍李湛薛思行趙承恩右羽林衛將軍楊元琰左羽

林衛大將軍李多祚職方郎中崔泰之庫部員外郎朱敬則司刑評事冀仲甫檢校司農少卿兼知總監翟世

言內直郎等以羽林兵入禁中誅之

汴州刺史張昌期司禮少卿張同休

通事舍人張景雄皆伏誅

甲辰皇太子監國總統萬機大赦天下是

日新書上傳皇帝位于皇太子

丁未徙居上陽宮

后妃傳

官詣觀風殿問起居後率

戊申皇帝上尊號曰則天大

聖皇帝

后妃傳廢泰宸府官遷東都武氏廟于崇尊

冬

十一月壬寅則天將大漸遺制祔廟歸陵令去帝稱則

天大聖皇后其王蕭二家及褚遂良韓瑗等子孫親屬

當時緣累者咸令復業是日崩於上陽宮之仙居殿年

八十三后紀傳年諡曰則天大聖皇后二年五月庚申

祔葬于乾陵睿宗卽位詔依上元年故事號爲天后未

幾追尊爲大聖天后改號爲則天皇后延和元年改爲天后聖帝

未幾改爲聖后開元四年改爲則天皇后天寶八載加諡則天順聖皇后后妃傳開元四年追號則天皇后太

常卿姜皎建言則天皇后配高宗廟主題天太后嘗召

后聖帝非是請易題爲則天皇后武氏制可文學之士周思茂范履冰衛敬業令撰元覽及古今內

範各百卷青宮紀要少陽政範各三十卷維城典訓鳳

樓新誠孝子列女傳各二十卷內範要畧樂書要錄各
十卷百僚新誠兆人本業各五卷臣軌兩卷垂拱格四
卷并文集一百二十卷藏於祕閣

史臣曰治亂時也存亡勢也使桀紂在上雖十堯不能
治使堯舜在上雖十桀不能亂使懦夫女子乘時得勢
亦足坐制羣生之命肆行不義之威觀夫武氏稱制之
年英才接軫靡不痛心於家索扼腕於朝危竟不能報
先帝之恩衛吾君之子俄至無辜被陷引頸就誅天地
爲籠去將安所悲夫昔掩鼻之讒古稱其毒人彘之酷
世以爲寃武后奪嫡之謀也振喉絕襁褓之兒菹醢碎

椒塗之骨其不道也甚矣亦姦人妬婦之恒態也然猶
汎延讜議時禮正人初雖牝雞司晨終能復子明辟飛
語辨元忠之罪善言慰仁傑之心尊時憲而抑幸臣聽
忠言而誅酷吏有旨哉有旨哉

贊曰龍絜易貌丙殿昌儲胡爲穹昊生此夔魍魎神
器穢褻皇居窮妖白首降鑒何如

新書贊曰昔者孔子作春秋而亂臣賊子懼其於弑
君篡國之主皆不黜絕之豈以其盜而有之者莫大
之罪也不沒其實所以著其大惡而不隱歟自司馬
遷班固皆作高后紀呂氏雖非篡漢而盜執其國政
遂不敢沒其實豈其得聖人之意歟抑亦偶合於春
秋之法也唐之舊史因之列武后於本紀蓋其所從
來遠矣夫吉凶之於人猶影響也而爲善者得吉常
多其不幸而罹於凶者有矣爲惡者未始不及於凶

其幸而免者亦時有焉而小人之慮遂以爲天道難
知爲善未必福而爲惡未必禍也武后之惡不及於
大戮所謂幸免者也至中宗韋氏則禍不旋踵矣然
其親遭母后之難而躬自蹈之所謂下愚之不移者
歟

唐書卷第六